

TE NENEURAA API

NENEIHIA I ROTO I TE PIHA NENEIRAA A TE EKALESIA A IESU MESIA I TE
FEIA MO'A I TE MAU MAHANA HOPEA NEI.
PAPEETE, TAHITI, I TE MAU AVA'E ATOA.

*Te hoo: E 2 farane i te matahiti Hoê
e e 5 farane i na matahiti e Toru.*

No. 11

Novema 1937.

Mat. 31.

Ua Rau Te Mau Toroa I Roto i te Ekalesia.

Parau Tumu.

*E teie nei râ, e rave rahi te melo, hoê roa ra tino! O te
tino outou no te Mesia, e e melo ana'e outou e ati noa'e. I
Korinetia 12:20, 27.*

TE MAU IRAVA TAUTURU

APOSETOLO. Galatia 1:2; Ephesia 2:20,21.

PEROPHETA. Ohipa 3:24; Luka 7:28.

TAHU'A RAHI. Hebera 3:1; 4:14.

PATEREAREHA. II Timoteo 4:5; Ohipa 21:8.

HITU AHURU. Numera 12:16-25; Luka 10:1 e te 17.

EPISEKOPO. Philipi 1:1; Tito 1:7; I Timoteo 3:1.

PERESIBUTERO. Ohipa 14:23; 15:5; I Petero 5:1-3.

TAHU'A. Luka 1:5; Apokalupo 5:10; 20:6.

HAAPII. Ohipa 13:1.

DIAKONO. I Timoteo 3:8-13.

E mea au anei ia oe ta oe Ve'a? A hoo faahou no na matahiti e 3
E afaihia te moni i nia i te 1 no Tenuare 1938.

Te Taivaraa Rahi e te Faahoi Faahouraa o te Evanelia.

ETORU noa iho matahiti to IESU raveraa i te ohipa orometua i te ao nei. I roto i taua taime poto ra ua maiti Oia i na Aposetolo e hoê ahuru e ma piti e ua faatia ihora Oia i ta'na Ekalesia i nia iho i te ao nei, e ua tupu a'era taua Ekalesia i te rahiraa i To'na iho tau e i muri a'era hoi.

I teie iho nei anotau ua faaroo mau hia taua faatiaraahia o te Ekalesia ra, e te rahiraa o te mau haapaoraa Cheresitiano. Teie ra te uiraa tei ui pinepine hia mai: *Ua vai tamau noa anei taua Ekalesia i faatiahia e Iesu ra, mai te tau o tana mau Aposetolo e tae noa mai i teie tau ?* Mai te mea e, *E, Tei ia vai ia, i rotopu i te mau haapaoraa, te mana, oia hoi te Autahu'araa Mo'a tei horoahia mai, e Iesu Mesia, i te Ekalesia ?* E te mau mea a te Varua tei vai i te Ekalesia i mutaa ihora, (a tai'o i te taatoaraa o te pene 12 no te I Korinetia) ua iteahia anei taua mau mea ra i teie nei tau. *Mai te mea ua iteahia, tei roto ia i teihea haapaoraa, i rotopu i te mau haapaoraa o te ao nei, te faaiteraahia tau mau mea ra ?*

Te faaroo nei matou e, i te mairiraa o te tau o te mau Aposetolo, ua taiva te Ekalesia mau i faatiahia e Iesu Mesia i mutaa ihora. No reira, ia itehia te Ekalesia a Iesu Mesia i te ao nei, i teie anotau, ua faatia faahou hia ia e te Mana Mo'a no ô mai i te Atua ra.

Ua ite atea hia, e te Atua, e taiva to'na feia i te parau tia, e e tamata ratou i te faatia i to ratou iho mau huru haamoriraa. Ua parau a'era te Atua, na roto i Ta'na mau Perophe-ta tahito no taua taivaraa rahi ra. I roto i te Faufaa Tahito ua tohu mai o Isaia no te taivaraa, a na ô mai ai oia e: *Ua viivii te fenua i raro a'e i te taata ra; ua hapa ratou i te tu-*

*re ra: ua ruri-ê-hia e ratou tei haapaohia ra, ua pi'o ratou i te faufaa haapao-tamau-hia ra. Isaia 24:5. Ua mana'o ihora paha te taata e, e faahaparaa teie i te ture a Mose i te tau no Iseraela; teie ra, aita roa te Ture a Mose i parauhia ei faufaa haapao-tamau-hia. Tetoto ra o Iesu Mesia i haamanihia ei taraehara, o te faufaa ia i parauhia i roto i teie irava tei faaitehia i roto i te Hebera 13:20: *E teie nei, ia faatau mai te Atua hau, o tei faaho'i mai i to tatou Fatu ra ia Iesu, i te tia'i mamoe rahi mai te pohe maira, no te toto o te faufaa matara ore ra.* No reira, ua tohu o Isaia no te tau i muri iho i te haamauraa o teie faufaa, oia hoi, te haamaniiraahia te toto o te Mesia ei taraehara.*

Ua ite atoa o Amosa te tau e ore e ite faahou hia'i te parau a te Atua, a na ô mai oia e: *Inaha, te na ô maira te Fatu ra o Iehova, te fatata maira te tau e hopoi atu ai au i te o'e i nia i te fenua, e ere râ i te o'e maa ore, e te hiaai i te pape, i te faaroo ra i te parau a Iehova: e horo hoi te taata i te tahi miti e i te tahi miti: e mai te apatoerau e tae roa'tu i te hitiâ o te râ i te hororaa e te ho'iraa mai, i te imiraa i te parau a Iehova, e ore roa râ e itea.* Amosa 8:11-12.

E i to Iesu iho oraraa ua a'o noa oia i Ta'na mau Aposetolo no te taime e tupu ai taua taivaraa rahi no Ta'na ra Ekalesia. (Mataio 24:4-5, 10-13, 23-26.) E i muri a'e i to Iesu faasatauroraahia, ua faaara noa te mau Aposetolo i te mau taata no te pouri e tupu mai. Ua na ô maira o Paulo: *Ua ite hoi au, ia reva ê atu vau e ô mai ai te uri taehae i roto roa ia outou na, e ore e faaherehere i te náná. E tia mai hoi te taata i roto ia outou iho, e parau mai i te parau pi'o, ia peehia ratou e te pipi. Ohipa 20:29-30.* (a tai'o atoa i ta'na mau parau i roto i te I Timoteo 4:1-5; II Timoteo 4:1.4; II Tesalonia 2:3-4; II Petero 2:1-3.

I taua ihora tau o te mau Aposetolo, ua ite atea hia te tu-

puraa o taua taivaraa rahi ra, i te mau tau a muri atu, a ua ô mai ai o Ioane, i roto i te Apokalupo i te pene 15, i te irava 6 e te 7: Hi'o atura vau i te hoê melahi i te maueraa na ropu i te reva nei ma te evanelia e tia i te vairaa ra ei pororaa'tu i te feia e parahi i te ao nei ra, i te mau fenua atoa; e te mau opu atoa, e te mau reo atoa, e te mau nunaa atoa i te piihua-raa te re'o e, A mata'u i te Atua, e faahanahana'tu ia'na; ua tae hoi i te hora faautuaraa na'na ra; e haamori outou ia'na i tei hamani i te ra'i, e te fenua, e te tai, e te mau pape pihaa ra. E i teie nei, eita e tia ia mana'o e, e afaihia mai te Evanelia i te ao nei, e te hoê melahi, mai te mea e, ua vai tamau noa te Ekalesia, mai taua tau ra e tae roa mai i teie nei tau.

I teie tau ra, ua tupu mau taua tohu a Ioane ra; ua itehia taua melahi ra i te maueraa na ropu i te reva e i te matahiti 1827 ua horoa mai taua melahi ra, ia Iosepha Semita, te hoê Buka i parauhia te Buka a Moromona. Ua î roa taua buka ra i te Evanelia nei. I te matahiti 1829 ua faaho'ihia mai te Autahu'araa a Aarona e Ioane Bapetizo, e i taua ihora matahiti ua faaho'i atoa hia mai te Autahu'araa a Melehizedeka e Petero ratou o Ioane e o Iakobo. I te 6 no Eperera, i te matahiti 1830, ua faatia faahou hia te Ekalesia a Iesu Mesia i to'na tiaraa mau, mai tei faatia hia i mutaa ihora.

Papahia e Robeta Orometua,

E haamana'o oe i te haamo'a i te mahana Sabati. E ono mahana ta oe ia rave e ia haa i ta oe mau ohipa atoa ra. O te mahana hitu râ, o te Sabati ia no to Fatu ra to Atua, eiaha roa oe e rave i te ohipa i te reira mahana, o oe, e to tamaiti, e to tamahine, e to tavini tane, e to tavini vahine, e to puaa, e te taata êê i ô oe ra.

EDITORIALE

THOMAS L. WOODBURY.

TE MAU TORO'A.

TE na ô maira o Paulo: *E ere atura outou i te taata eê, hoê atoa râ to outou oire e te feia mo'a, e no te fetii o te Atua.* E tahoê maitai te mana'o, te ohipa e te hi-naaro tia i mua i te aro o Iehova ra. Ua patuhia te Ekalesia i nia i te mau Peropheta, te mau Aposetolo e o IESU hoi te tihi rahi.

E tino tatou no te Mesia, e rave rahi râ hoi te toro'a; hoê râ Fatu, hoê râ Atua, hoê râ Ekalesia, hoê Faaroo e hoê râ Bapetizoraa. Ua faarirohia tatou ei tino no te Mesia, e ei melo e ati noa'e. E Aposetolo te tahi, e Peropheta te tahi, e Tahu'a te tahi, e Haapii, e Peresibutero, e Diakono, e e rave rahi atu â te mau toro'a i tuuhia i roto i te Ekalesia. E faufaa anei taua mau toro'a ra ia tatou nei? E ohipa anei tei vai na ratou ra?

Mai te mea e rave tamau tatou i te ohipa a te Fatu ra, e riro ia to tatou mau tino ei hiero e ei parahiraa o te Atua, i te Varua ra.

Te Peretiteni Matamua o te farii ia no te mau Heheuraa atoa no te Ekalesia atoa. B. F. 124:126. *Ua faatia te Mesia i ta'na Ekalesia i nia i te fenua nei e ua tuu atura i te mau toro'a i roto ra. E te mau taata atoa tei maitihia ra ua horoa hia mai te mana, no te ra'i mai, no te raveraa i te mau ohipa e au i to'na ra toro'a.*

Hoê â ia i teie nei tau hopea nei, te vai mau nei te reira huru, te mau faataaraa, te mau toro'a e te mana no te ra'i mai.

TE PARAU AUTAHU'ARAH.

TIHOTI M. Lake
LEVI Leatham

BENIAMINA Winkel
ELEDONA Mortensen

Haapiiraa no te Ava'e DITEMA,

Ua faatiahia te Ekalesia i nia i te fenua America.

Mosia 23:16,17; 25:18; 26:24-29. Alama 5:62; 4;7,18; 8:23.

Ua rahi roa te oaoa o te mau melo no te Ekalesia e ua tupu oioi ratou i te rahiraa. *Helamana* 6;3; 11:21.

Mai te faatiaraahia te Ekalesia nei, i te 6 no Eperera 1830, ua tupu noa oia i te rahiraa e i teie nei e iteahia to'na mau melo, ma te rahi, i te mau fenua atoa e i te mau vahi atoa o te ao nei.

E mea tia roa ia rave tatou i tatatou tufaa no te faatupu noa raa e te faatiaraa i te Ekalesia a Iesu Mesia ra.

Na Te Mau Haapii

Mahaere na te mau utuafare,

Te faaroo nei matou i te tuuraa o te mau toro'a i roto i te Ekalesia nei, mai tei tuuhia mai i roto i te Ekalesia i mutaa i hora; oia hoi, te mau Aposetolo, te mau Peropheta, te mau Orometua, te Haapii e te mau Tauturu. I Korinetia 12:12-31; Ephesia 2:19-22.

E haapii i te mau utuafare ra ia rave i te ohipa tauturu, mai ia ratou e rave ra na roto i te mau utua fare, na reira hoi te tauturu i noaa mai i roto i te tino o te Mesia. Te ohipa o te melo, o te tauturu maitai raa ia i te tino.

E feia patu tatou, no reira e patu tatou paatoa, eiaha e faaea, ia tupu te Ekalesia mai tei tohuhia. Daniela 2:44; 7:18,72.

I te mahana matmua no te ava'e Tenuare 1938 e afaihia'i te moni o te Ve'a i nia, oia hoi, e 5 farane no te hoe m. e e 10 farane no na matahiti e toru
No reira a hoo i ta outou VE'A i TEIE NEI !

TE SOTAIETE VAHINE TAUTURU.

MAUDE WOODBURY.
TOTARE GREEN.

NOROTA HARDY,
JOSEPH A. G. STEVENS

Haapiiraa no te Ava'e DITEMA.

Mahana Maha (Matamua).

Te Orama a Petero. Ohipa pene 10.

E mahana iritiraa mana'o.

Mahana Maha (Piti).

Na Tuahine hahere na roto i te mau utuafare, e haapii raua i te parau no te bapetizoraa o Korenelio. E imi atoa raua i te mau tamarii o tei tae i te vau o te matahiti ia bapetizohia ratou.

Mahana Maha (Toru).

Buka a Moromona. Te parau tuatapapa no Lehi ma. E maiti e e faataa i te tahi nau Tuahine no te faaiteraa mai i te huru no te oraraa o Lehi, Nephi, Lamana, Lemuela e to Saria. E tai'o maitai i na pene matamua, e pae, no te I Nephi, ei faaineineraa no taua haapiiraa ra.

Mahana Maha (Maha).

E faatupu i te raveraa ohipa apî, ia maitai roa te ohipa, i roto i te mau utuafare e i roto atoa i te Ekalesia, i te matahiti 1938.

IA ORA NA

A faaineine ia Outou.

A Hoo I Te Ve'a.

HAAPIIRAA SABATI.

Goladena W. Mack
Teneta A. Wilde

Anderea N. Machen
Pereti B. Asay

Irava Tamau aau. Alama 23:5.

Haapiiraa no te Ava'e DITEMA.

5.-12. Ua rahi roa te mau taata i amuihia i te Ekalesia.
Alama pene 23.

12.-12. Ua riro te atī Lamana ei Ekalesia. Alama 24.

19.-12. Abinadi e ta'na parau tohu. " 25.

26.-12. Ia haapaohia te fanauraa o te Mesia e tia'i. A faa-
tupu i te tahi ohipa apī, e ia amui mai te mau Amaa atoa no
te haapiiraa.

Na te Pupu Piti.

E haapii i te parau no te mau melo o te Ekalesia tei ne-
neihia i te apī hoē o te Ve'a.

Te Paraimere.

Te ohipa maitai a Maria i nia i te Mesia. Mareko 14:3-9.
Ioane 12:1-11.

Te fanauraa o Iesu Mesia. Luka p. 1. Mataio p. 2.

Te Tia-faahouraa o te Mesia. Ioane p. 20. Luka p. 24.

HAAPIIRAA NO TE MAHANA FANAURAA.

- | | |
|--|---------------------------------------|
| 1. Himene | Na te haapiiraa atoa. |
| 2. Pure. | Na te mau tamarī o te Pūpū Paraimere. |
| 3. Himene. | Pūpū Paraimere. |
| 4. E a'oraa. E aroharaa ē te fanauraa o Iesu. | Peretiteni. |
| 5. Himeneraa, te fanauraa o te Mesia. | No. 47. |
| 6. Tai'oraa irava tamau aau. | Pūpū Piti. |
| 7. Himene e te guitare. | |
| 8. Na Metua vahine o Iesu raua o Ioane Bapetizo. | Peretiteni no te |
| (Mataio 1:18-24. Luka 1:5-80). | Sotaiete Vahine tauturu. |
| 9. Himene. | No. 140. |
| 10. E parau faaitoito. | Na te Orometua faaue. |
| 11. Himene. | E faaoti tatou nei. (Tune: America). |
| 12. Pure hopea. | |

HAAPIIRAA NA TE FEIA API.

TENA Palmer

NOELA. c. Devey

VERANONA C. Thurgood

VELA C. Hunting.

HAAPIIRAA NO TE AVA'E DITEMA.

I Papaihia e Beniamina Winkel.

HAAPIIRAA 9

Parabole o te mau Paretenia tino ahuru ra.

E au te basileia o te ao ra i na paretenia tino ahuru i reira, tei rave i ta ratou mau lamepa e haere atura e farerei i te tane faaipoipo apî ra. E feia paari e toopae, e maamaa hoi e toopae. O te feia maamaa ra, i hopoi atura i ta ratou mau lamepa, aita râ i hopoi atoa i te mori; area te feia paari ra, ua hopoi i ta ratou mau lamepa ma te mori atoa i roto i ta ratou mau farii. Te maoro ra râ taua tane faaipoipo apî ra, tiaruhe paatoa ihora ratou e mairi ihora i te taoto. E tae a'era i te tuiara po ra, o te pii maira, Inaha, te haere mai nei te tane faaipoipo apî nei, e haere outou ia farerei atu ia'na. Ua tia a'era te mau paretenia atoa ra i nia, ua faanehenehe ihora i ta ratou mau lamepa. Ua parau atura te feia maamaa ra i te feia paari, Ho mai i te tahi vahi i ta outou mori na, te pohe nei hoi ta matou mau lamepa. Ua parau maira râ te feia paari, na ô maira. Eiaha, o te ore hoi e navai ia opere na tatou atoa; e haere râ outou i te feia hoo ra hoo atu ai i ta outou iho. E te haere atura ratou e hoo ra, tae maira taua tane faaipoipo apî ra, e te feia i ineine ra, haere atura ia e oia atoa i roto i te oroa faaipoiporaa, e opanihia ihora te uputa. E muri a'era, ua haere maira te tahi pae paretenia ra, ua na ô maira: E te fatu, a iriti a'e na ia matou. Ua parau atura râ oia, na ô atura, Aore au i ite ia outou, oia mau ta'u e parau atu ia outou na. E teie nei, e ara, aore hoi outou i ite i te mahana e te hora atoa e tae mai ai te Tamaiti a te taata. Mataio 25:1-13.

Uiraa 1. O vai te Tane faaipoipo apî nei ?*Pahonoraa:* O IESU ia.*Uiraa 2.* E tapao te oroa faaipoipo no te aha ?*Pahonoraa.* E tapao no te tae-piti-raa mai o te Mesia ma to'na hanahana rahi, ei arii.*Uiraa 3.* O vai te vahine ta Iesu e faaipoipo ?*Pahonoraa.* Ta'na Ekalesia ia, oia hoi, e tuatihia Oia i ta'na iho Ekalesia.

Uiraa 4. O vai ma taua mau paretenia ra ?

Pahonoraa. O ratou teie, tei parau e, e faaroo to ratou i te Fatu e tei mana'o noa hoi e, e ô ratou i roto i te faaipoi-poraa.

Uiraa 5. E tapao te mori ama no te aha ?

Pahonoraa. E tapao te reira no te ohipa tei iteahia ma te mori ama, e teie ohipa ra ua faatupuhia iho â na roto mai i te faaroo.

Uiraa 6. E au te faatia oreraa o te feia paari, ia horoa'tu i ta ratou mori, i te aha ?

Pahonoraa. E au te reira i te mahana haavaraa, e haavahia te taata no ta'na iho ohipa. Aita e ravea, i reira, ia tau-turuhia e te feia tei ineine.

Uiraa 7. Ahea ra te parau i roto i teie nei parabole e faatupuhia'i ?

Pahonoraa. I te tae-faahou-raa mai o Iesu.

Uiraa 8. Ehia ravea e o a'i te taata nei, oia hoi, ehia ravea ta tatou no te ô-raa i roto i te oroa faaipoi-poraa ra ?

Pahonoraa. Hoê noa iho. Te Evanelia a Iesu Mesia, te reira te uputa, e hoê â te Evanelia, i teie nei, i nanahi e a muri noa'tu.

MAAPIIRAA 10

IA MA TE AAU.

Uiraa 1. Teihea te parau rahi i te ture ?

Pahonoraa. Hinaaro oe i to Atua ra o Iehova ma to aau atoa, e ma to varua atoa, e ma to mana'o atoa.

Uiraa 2. Eaha ia te piti o te parau rahi ?

Pahonoraa. E aroha'tu i to taata tupu, mai to aroha ia oe ihora.

Uiraa 3. Ua na-ô maira o Iesu: O te ture atoa e te mau peropheta, tei teie pue ture e piti nei. E mea nahea te faa-hoperaa ?

Pahonoraa. E toru upoo parau e vai nei — oia hoi, Hinaaro i te Atua, aroha i te taata tupu e e aroha ia oe iho. No reira, e na ô tatou i te feruri: Ia hara tatou, i te mau huru hara atoa e vai nei, e hamani ino ia i te Atua, e a ore ra, i to taata tupu, e a ore ra, ia oe iho. Ua oti nehenehe roa te mau ture tahito i teie na ture i tuuhia mai e Iesu.

Uiraa 4. A tamata na tatou i te maiti i te parau rahi a'e i roto i te mau parau ta Iesu i a'o i nia i te mou'a?

Pahonoraa. Ia feruri au i teie mau parau, ua hau roa ia te numera ono. E ao to tei ma te aau, e ite ratou i te Atua.

Uiraa 5. E ravea anei te vai nei ia faahope i te mau parau atoa ta'na i a'o i nia i te mou'a, i teie parau; E ao to tei ma te aau, e ite ratou i te Atua?

Pahonoraa. Oia ia; ua na ô maira o Solomona; O to'na ra mana'o i roto i to'no aau, O oia iho ia. E ua na ô atoa maira o Iesu: aita roa o rapae au nei e viivii ai te taata ia ô i roto; o te mau mea râ no roto mai i te taata, o te mea ia e viivii ai oia. No reira, ia ma te aau eita mau tatou e viiviihia e e roaa ihoa te mau huru ta Iesu i faaite a'e nei, oia hoi, e ô i roto i te basileia, e faa-i-hia e e roaa mai te fenua e hope roa a'e.

Uiraa 6. A tatara mai na i teie parau; O to'na mana'o i roto i te aau ra, o oia iho ia?

Pahonoraa. Na Iesu iho e pahono faahou mai: E ore te taata nei e viivii i to rapae, no te mea, aore i ô i roto i te aau mana'o ra, no roto hoi te aau taata te mana'o ino, te faaturi, te poreneia, te taparahi taata e te mau huru ino atoa e e na roto mai hoi te aau mana'o ra e tae ai te marn, te aroha e te mau huru ohipa maitatai. No reira, na roto mai i

te iteraahia te hotu o te tumu raau, oia hoi, te ohipa a te taa-
ta e hi'o hia'i i roto i to'na ra aau.

PARAU TAUTURU

Mataio 22:36-40.

Mataio 5:1-13.

Maseli 23:7.

Mareko 7:14-24.

Luka 6:43-45.

E outou atoa tei ma te aau, a faateitei na i to outou upoo i nia ia noaa
te parau mauruuru a te Atua ra, ia faa-i-hia i to'na ra aroha; ua tia hoi ia
ia outou, ia mau papu to outou aau, e a muri noa'tu. Iakoba 3:2.

HAAPIIRAA 11

Te au ore raa o te Riri.

Uiraa 1. O vai ta Adamu raua o Eva matahiapo?

Pahonoraa. Aita tatou i ite, tera ra, ua ite tatou e, e rave
rahi ta raua tamarii hou to Eva fanauraa ia Kaina.

Uiraa 2. No te aha aita te Atua i farii i ta Kaina tusia?

Pahonoraa. No te mea aita o Kaina i pupu i ta'na tusia
ma te aroha'tu i te Atua, ua faaue ra o Satane ia'na ia pu-
pu i te reira.

Uiraa 3. Eaha ta Kaina hara rahi?

Pahonoraa. Ua taparahi oia i to'na iho teina.

Uiraa 4. Eaha te mea tei haamairi ia Kaina i raro i teie
hara rahi?

Pahonoraa. Na to'na riri — i muri a'e i te farii ore raahia
o ta'na tusia, ua i to'na mana'o i te riri e ua riro oia ia Sa-
tane, e a paraparau ai raua o Abela, ua tia a'era o Kaina i
nia e taparahi atura i to'na teina, e no reira ua papu ia ta-
tou e, e parau mau ta Solomona a na ô ai oia e: Hamani ino
to te tairoiro, e te riri ra mai te ua hahau ia, o vai ra te taa-
ta e mau i te hae.

Uiraa 5. Ia riri te taata, eaha ia to'na huru?

Pahonoraa. Ia riri te taata ua ore te maitai i roto ia'na,

ua ho'i oia mai te animala te huru, ua ore to'na feruriraa—
e faatupu oia i te avau, e te taata riri u'ana ra, ua rahi ia
ta'na hara.

Uiraaa 6. Eaha ta Iesu i haapii mai no nia i te taata riri?

Pahonoraa. Ua na ô maira Oia: ua faaroo hoi outou, e i
parauhia mai e te feia tahito: Eiaha oe e taparahi i te taata
e o te taparahi i te taata ra, e au ia'na i te haavaraa; Te pa-
rau atu nei ra vau ia outou, o te taata e riri noa i to'na tae-
ae, e au atoa ia'na te haavaraa: e o te parau atu i to'na tae-
ae e Raka, e au ia ia'na i te sunederi; area o te parau atu
e, e More, e au ia'na te auahi i gehena, e teie nei ia hopoi
oe i ta oe tao'a horoa noa i te Fatu ra, e ua mana'o i hora oe
i reira e, e hara ta to oe taeae ia oe na, e vaiiho atu i to taoa
i mua i te fata ra, e mata na i te haere e faaite i to taeae, a
haere a hopoi ai i ta oe tao'a.

Uiraa 7. Tei ore e rû i te riri ra, e maitai rahi to'ha i to te
aha?

Pahonoraa. I to te feia puai.

Uiraa 8. E mea maitai a'e taata tei vî to'na aau ia'na iho,
i te aha?

Pahonoraa. I tei pau ia'na te oire.

Parau Tauturu.

Maseli 27:4.

Maseli 29:22.

" 22:24.

" 16:32.

Mataio 5:21-26.

Mose 5:16-41.

Faarue i te tairoiro, eiaha ia riri; Eiaha to oe ra inoino ia
tae roa i te rave i te parau ino ra,— e riro hoi te feia hama-
ni ino ra i te tuau hia e te feia ra i tiaturi ia Iehova ra, no
ratou ia te fenua.

HAAPIIRAA 12

Ta te Ture, e ta te mau Peropheta.

Uiraa 1. Eiaha e faaino, ia ore tatou ia aha hia ?

Pahonoraa. Ia ore tatou ia faaino hia mai.

Uiraa 2. Eaha te mea te faito ia tatou ?

Pahonoraa. Te faito ta tatou e faito atu, o te faito atoa ia ia tatou iho.

Uiraa 3. E ia hamani ino to taeae ia oe ra, eaha ta oe ohipa ?

Pahonoraa. A haere, e faaite atu ia'na i ta'na hapa o orua ana'e ra; e ia faaroo mai oia ia oe ra, roaa ihora to taeae ia oe ra. Ia ore râ oia ia faaroo ia oe ra, a aratai atoa'tu oe i te hoê e ia toopiti hoi, ia papu te mau parau atoa i te vaha o na ite toopiti e tootoru ra. E ia ore oia ia faaroo ia rana, a faaite atu i te Ekalesia; ia ore râ oia ia faaroo i te Ekalesia ra, ia riro noa'tu oia ia oe mai te etene e te telona.

Uiraa 4. E hia taime e tia ia tatou ia faaore i te hara ?

Pahonoraa. E hitu ahuru i te hituraa.

Uiraa 5. Eaha te auraa o te reira, e hitu ahuru i te hituraa ?

Pahonoraa. Te faaite mai nei Iesu e, e tia ia tatou ia faaore i te hara a vetahi ê, noa'tu i te rahiraa e eiaha e faaea. O Iesu ra, e tia ia'na ia faaore te hara mai te au i to'na iho hinaaro.

Uiraa 6. Ua faaroo hoi outou e, i parauhia mai i tahito ra: E aroha'tu i to taata tupu, e e riri atu i to enemi. Te ani atu nei ra vau ia outou;—Eaha ta'nai parau atu ia ratou ?

Pahonoraa. E aroha'tu i to outou mau enemi; e faaora'tu i tei tuhi mai ia outou; e hamani maitai atu i te feia i riri mai ia outou; e pure hoi i te feia i parau ino mai e tei hamani ino mai ia outou—ia riro outou ei mau tamarii na to outou Metua i te ao ra.

Uiraa 7. Eaha ia ta te ture, e ta te mau peropheta ?

Pahonoraa. E te mau mea atoa ta outou i hinaaro ia vetahi e ra, e na reira atoa'tu outou ia ratou; o ta te ture ia e ta te mau peropheta. *Mataio 7:12.*

PARAU TAUTURU.

Mataio 18:15-17.

Mataio 5:43-48.

" 18:21-35.

" 7:12.

Mataio 7:1-5.

Eiaha oe e tahoo, eiaha e tairoiro i to outou iho na; e aroha ra oe i to taata tupu mai to aroha ia oe iho na; o vau o Iehova.

Tei roto i te Ve'a te mau haapiiraa atoa.

A hoo i te Ve'a i teie nei. A FAAINEINE ia outou.

TE PARAIMERE

ROBETA M. Johnson.

HENERE C. Teeples.

RAREFA R. Taylor.

NILE B. Chug.

HAAPIIRAA NO TE AVA'E DITEMA.

Ua au hoi te parau i maitihia no te Feia Apî ei haapiiraa no te Paraimere.

E haapii atoa hoi i teie nei himene i papaihia i roto i te Primary Song Book. Page 61. (*Loving Mother Kind and True.*)

TA'U NA METUA.

1. Vahine here to'u Mama,
Oia atoa to'u Papa.
Ohipa rahi tei raua,
Ia tatou e ahuhia.

2. To'u Mama itoito,
Ia ma maitai au ra;
Te mata, e te tino hoi;
Aore ia e faa aea.

3. No te moni o to'u Papa,
I faa amu hia te maa;
Te meia, e te anani;
Te i'a, te umara.

TE MAU PARAU API

I te 20 no Atopa i mairi a'enei, ua u te hoê pahi reva rahi i nia i te tupuai mou'a i pihaiho i te oire ra o Coalville, Utah, e ua pohe roa te mau taata tei nia iho ra, e 19 ratou atoa. Te mana'o nei te hoê taata paari e, uo te rahi o te mau metalo i roto i te fenua, i te reira mau vahi, ia tupu te hoê vero e te uira e te patiri, e riro te fenua mai te auri ovahine ra te huru e e ume oia i te mau taihaa auri i te reira taime, no reira te pahi reva i u ai i nia i te mou'a.

Ua faaitehia a'enei e, te opua nei te arii tahito no Baratane, oia hoi, o Edua 8, ia haere e hauti i roto i te hoho'a cinema, e e haere atoa ta'na vahine marite, tei fatata i te fanau, ei hoa no'na i roto i taua tere ra.

Ua tahoê maitai te Hau Farani e te Hau Baratane no te imiraa i te mau ravea atoa ia tupu te hau i te fenua Europa, area râ te patoi nei o Italia raua o Purutia i taua mau mana'o ra e i teie nei e tia ia ia tia tatou e, eaha ia te hopea no te reira mau ohipa.

Te haamata'uhia nei te Hau Tapne e, eita ta ratou taihaa e hoo faahouhia, e eita te hoê mea iti a'e e tuuhia ia haere faahou i to ratou fenua no ie ohipa ta ratou e rave nei i te fenua Tinito. E rave rahi te tauatini o te taata e pohe noa nei, i te mau hepetomo atoa, e aita â i papu tei ia vai te rê, tei te Tinito anei e a ore râ tei te Tapone anei. Ua horoa mai te Atua i hau no te taata atoa, e te hinaaro nei to te ao ia ore te tama'i.

Louis Drollet Gérant

Thomas L. Woodbury Imprimeur.

Rue Dumont d'Urville, Orovini, Papeete, Tahiti.